

MISSA
IN FESTO
IMMACULATÆ
CONCEPTIONIS
SS.^{ME} DEI GENTRICIS MARIE
HISPANIARUM PATRONÆ.

DUPLEX I. CLASSIS CUM OCTAVA.

Die
viii.
Dec.

Cant.
3.

Psal.
83.

Introitus.



Gredimini, & videte filia Sion Reginam vestram, quam laudant astra matutina cuius pulchritudinem sol & luna mirantur; & jubilant omnes filii Dei. **Psalm.** quam dilecta tabernacula tua Domine virtutum! concupiscit, & deficit anima mea in atria Domini.

V. Gloria Patri.

Oratio.

Deus, qui per immaculatam Virginis Conceptionem dignum Filio tuo habitaculum preparasti: quæsumus, ut qui ex morte ejusdem Filii sui prævisa, eam ab omni labe præservasti; nos quoque mundos, ejus intercessionem, ad te pervenire concedas. Per eundem Dominum.

Et fit Commemoratio Ferie.

Lectio libri Sapientia.

Dominus possedit me in initio viarum suarum antequam quidquam faceret a principio. Ab æterno ordinata sum, & ex antiquis, antequam terra fieret. Nondum erant abyssi, & ego jam concepta eram: necdum fontes aquarum eruperant: necdum montes gravi mole constiterant: ante colles ego parturiebar: adhuc terram non fecerat, & flumina, & cardines orbis terræ. Quando præparabat cælos, aëderam: quando certa lege & gyro vallabat abyssos, quando æthera firmabat sursum, & librabat fontes aquarum: quando circumdabat mari terminum suum, & legem ponebat aquis, ne transirent fines suos: quando appendebat fundamenta terræ. Cum eo eram

Prov.
8. c.

cunc-

cuncta componens; & delectabar per singulos dies, ludens coram eo omni tempore, ludens in orbe terrarum: & deliciae meae esse cum filiis hominum. Nunc ergo filii audite me: Beati qui custodiunt vias meas. Audite disciplinam, & estote sapientes, & nolite abjicere eam. Beatus homo qui audit me, & qui vigilat ad fores meas quotidie, & observat ad postes ostii mei. Qui me invenerit, inveniet vitam, & hauriet salutem à Domino.

Graduale. Qualis est dilecta nostra, charissimi? Qualis est mater, dicite, Domini? Qualis & quanta sit soror & sponsa Christi? *ψ.* Dilēcta nostra cāndida, immaculāta, quasi aurōra consurgens. Allelūia, allelūia. *ψ.* Veni Regina nostra, veni in hortum odoris super omnia arōmata. Allelūia.

Sequentia sancti Evangelii secundum Lucam.

Luc.
11. c.

IN illo tempore: Loquente Jesu ad turbas, extollens vocem quaedam mulier de turba, dixit illi: Beatus venter qui te portavit: & ubera quae suxisti. At ille dixit: Quinimodò beati, qui audiunt verbum Dei, & custodiunt illud. **Credo.**

Offertorium. Hortus conclusus, fons signatus, emissiones tuae paradysus, o Maria: manus tuae stillaverunt myrrham mellifluam: que facti sunt caeli, dum manu Domini fabricata est mater tanti Dei.

Secreta.

Suscipere digneris per te ipsum benignitatis auctorem, rogāmus Domine, Matris, ac domus tuae, zelatorum devotas cum hilaritate supplicationes: ut sicut ipsa, tua gratia praeviente, mundo (hodie) immūnis apparuit: ita ipsi mundam de tuae Matris munere, te concedente, exhibeant gratiarum actionem. Per te ipsum Jesum Christum filium ejus, qui vivis.

Illud hodie hic & in Postcom. omittitur extra Octavam in Missis votivis.

Præfatio de B. M. V. Et te in Conceptione: quae dicitur per totam Octavam, etiam in Festis, nisi propriam habuerint.

Communio. Gloriosa dicta sunt de te Maria, quia fecit tibi magna qui potens est.

Postcommunio.

Odorem, Domine, sacrificii hujus suscipe suavitatis, & presta: ut, qui (hodie) Mariae Conceptionem jubilando celebrant, ejus salubri oratione, fructum centuplum suae devotionis accipiant. Per Dominum nostrum.

¶ Infra Octavam Conceptionis B. Mariae, & in ejus die Octava, dicitur eadem Missa sicut in die Festi. Oratio secunda de Feria, tertia de Spiritu Sancto.

CLEMENS EPISCOPUS,

SERVUS SERVORUM DEI.

Ad perpetuam rei memoriam.


QUum primum Divina disponente voluntate, factum est, ut humilitas nostra turbulenti præsertim Christianæ Reipublicæ temporibus ad universalis Ecclesiæ regimen extolleretur, jam inde ea cogitare, & agere assidue non destitimus, quæ ad promovendum, & propagandum Inclitæ, & Gloriosæ semper Virginis Mariæ cultum inter fideles Populos maximè conducerent, ideó potissimum, ut nobis, & universæ Catholicæ Ecclesiæ speciali pietate Christi Filii sui Supremi Ecclesiæ Capitis favorem, & gratiam protectionis conciliaret, minora tamen, quam nostrum desiderium explere possint, semper erunt reverentiæ, & venerationis signa, quæ in terris præbentur, ad cumulandam, & ad augendam Gloriam hujus præ cæteris electæ Creaturæ, quæ quidem ex ore Altissimi prodiit, & in omni Gente Primatum tenuit: Proinde obortas libenti animo amplectimur occasiones, quibus nova ipsi honoris obsequia tribuantur, ac maximè lætamur, Potentissimum Regem, qui in hac re non ita pridem aperuit animum suum, tam mirificè cum nostro, consentientem, rursum in precibus amplificationem aliam talis Cultus pro suis vastissimis Regnis, & Ditionibus exposcere; Nobis siquidem Regio nomine Charissimi in Christo Filii nostri Caroli Hispaniarum Regis Catholici Dilectus Filius Emmanuel de Roda dicti Caroli Regis Consiliarius, & modo apud Nos negotiorum ejusdem Caroli Regis Minister supplicem porrexit Libellum, cujus tenor est.


Beatissime Pater. Cum Sanctitas vestra enixis Catholici Regis votis benignè annuens, Beatissimam Virginem Deiparam in Sacrosancto ejusdem Immaculatæ Conceptionis Mystero, Hispaniarum, Indiarumque Ditionum à Comitibus totius Nationis Hispaniæ in ipsius auspiciatissimo Regni exordio habitis, Patronam, & Advocatam specialem communi consensione nuncupatam, et dilectam Apostolicis Litteris aurea Bulla munitis, sexto Idus Novembris, Anni millesimi septingentesimi sexagesimi concesserit, & confirmaverit, simulque venerandi Mysterii Festum sub Ritu duplici primæ classis cum Octava, cæterisque prærogativis, omnibus hujusmodi Patronorum Festis competentibus, & à Sede Apostolica approbatis, ab universo Hispaniarum, Indiarumque Ditionum Clero Sæculari, & Regulari, quomodolibet etiam exempto, coli, & celebrari præceperit, atque mandaverit, cumque inter prærogativas, quæ à Sancta Sede favore dictorum Patronorum indulgeri solent, primarium quodam modo teneat locum Officii proprii, & Missæ in eorum honorem recitatio; idem Rex Catholicus, ut Apostolica Sanctitatis vestræ concessio, ut supra jam facta integrum jure merito sortiatur effectum, Officium, quod incipit: *Sicut Liliū inter spinas*: & Missam cujus initium: *Egredimini, & videte*: quibus Ordo Franciscanus utitur, ad prædictum Dominiorum suorum Clerum extendi, & prorrogari summoperè desiderat, idcirco Emmanuel de Roda ejusdem Catholici Regis jussu, & nomine Sanctitatem vestram humillimis precibus orat, ut prædicta Officium, & Missam, prout à Franciscanis recitantur, ac in eorum Breviario, & Missali à Sancta Sede approbatis, continentur universo Hispaniarum, & Indiarum Clero, tam Sæculari, quàm Regulari, ac quomodoli-


bet exemplo, pro die Festo solemnī ejusdem Immaculatæ Conceptionis, necnon, & pro ejus Octava concedere, indulgere, & extendere Apostolica sua auctoritate dignetur. Et pro gratia, &c.

Cum autem Nos aliàs libenti quidem animo, adeo effusæ dicti Caroli Regis, ac totius Hispaniæ Gentis erga præclarum hoc Deiparæ Virginis Mysterium devotioni obsecundantes juxta priores nostras Litteras ipsam in prædicto Mysterio colendam universalem Patronam, & Advocatam dictorum Regnorum, & Dominiorum declaraverimus, ejusdemque Mysterii Festum in dictis Regnis, & Dominiis per universum Clerum, tam Sæcularem, quàm Regularem, & quomodolibet exemptum, sub Ritu duplici primæ classis cum Octava celebrari præceperimus, modò præmissas Nobis additas preces, velut recentiora illius eximiæ pietatis argumenta, excipientes, ac priorum Litterarum nostrarum tenorem cum omnibus, & singulis in eis contentis, præsentibus pro expresso habentes, novis hisce supplicationibus Pastoralī affectu nostro benignè inclinati, ipsarum tenore præsentium in perpetuum concedimus, atque indulgemus, ut recurrente annis singulis dicti Mysterii celebritate in eisdem Regnis, & Dominiis, ac in singulis illorum Civitatibus, & Diocæsisibus, Oppidis, Terris, & Locis, ac Territoriis quibuscumque etiam nullius Diocæsis, ab universo Clero prædicto, ab omnibus videlicet, & singulis Sæcularibus, & Regularibus utriusque sexus cujusvis Ordinis, & Instituti, etiam quantumvis exemptis, qui Horas Canonicas Diurnas, & Nocturnas, sive privatim, sive in quibusvis Ecclesiis collegialitèr, & cum cantu recitare tenentur, ac tenebuntur, ac Sacrosanctum Missæ Sacrificium celebrabunt, illud Officium proprium, & Missa cum Octava recitentur, quod, & quæ per dilectos Filios Fratres Ordinis Minorum Sancti Francisci de præsentī generalitèr recitantur, ac in eorum Breviario, & Missali à Sede Apostolica approbatis continentur, ad quorum effectum illius Officii, & Missæ cum Octava recitationem ad universum Clerum prædictum generalitèr quoque harum serie extendimus, idemque Officium, & Missam hujusmodi juxta exemplaria dictorum Fratrum Minorum, & non aliàs ad usum Cleri, & Regularium prædictorum in eisdem Regnis, & Dominiis pro tempore commorantium, etiam seorsim ab aliis Breviariis, & Missalibus typis imprimendi opportunam licentiam, & facultatem concedimus, & impertimur: Non obstantibus, & respectivè firmis, ac salvis remanentibus Constitutionibus Apostolicis, & omnibus illis, quæ in dictis prioribus nostris Litteris non obstare, & respectivè firma, & salva esse, & fore decrevimus. Volumus autem, ut præsentium nostrarum Litterarum tenor in principio, vel in fine Officii, ac Missæ pro usu dicti Cleri, ut præfertur, imprimendi, etiam imprimatur, utque earundem præsentium transumptis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis eadem prorsus fides in judicio, & extra illud adhibeatur, quæ ipsis præsentibus adhiberetur, si forent exhibitæ, vel ostensæ. Nulli ergo omninò hominum liceat paginam hanc nostræ Concessionis, Indulti, extensionis, licentiæ, facultatis, & voluntatis infringere, vel ei ausu temerario contraire; si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud Sanctam Mariam Majorem, Anno Incarnationis Dominicæ millesimo septingentesimo sexagesimo primo, decimo sexto Kalendas Februarii. Pontificatus nostri anno quarto. = C. Cardinalis Prodatarius. = N. Cardinalis Antonellus. = Loco ✕ Plumbi.

Reimprimatur, *Dr. Almarza, V. G.*









DISSALE ROMANNA

Universitat de València
Biblioteca Històrica

Y-59

28